



Broj: 04-16-3-1804-7/23
Sarajevo, 07.08.2023. godine

Na osnovu člana 70. st. 1, 3. i 6. Zakona o javnim nabavkama („Službeni glasnik BiH“, broj 39/14 i 59/22) i na osnovu Zapisnika o ocjeni ponuda broj: 04-16-3-1804-6/23 od 02.08.2023. godine, u postupku javne nabavke usluga pripreme i organizacije događaja Digitalnog samita Zapadnog Balkana 2023. za potrebe Ministarstva komunikacija i prometa Bosne i Hercegovine, ministar komunikacija i prometa *donosi*

ODLUKU O IZBORU NAJPOVOLJNIJEG PONUĐAČA za nabavku usluga iz Aneksa II Zakona o javnim nabavkama

Član 1.

Prihvata se ponuda Ponuda od 31.07.2023. godine i ugovor za nabavku usluga iz Aneksa II Zakona o javnim nabavkama – usluge organiziranja događanja – pripreme i organizacije događaja Digitalnog samita Zapadnog Balkana 2023. za potrebe Ministarstva komunikacija i prometa Bosne i Hercegovine dodjeljuje se ponuđaču FOTO ART d.o.o., Paromlinska 42, Sarajevo, kao jedinom kvalifikovanom ponuđaču, sa ponudenom cijenom iz ponude za ukupni iznos ugovora do 210.00,00 KM bez uračunatog PDV-a.

Član 2.

Ugovorni organ će pozvati izabranog ponuđača radi zaključenja Ugovora kojim će regulisati međusobna prava i obaveze u vezi sa predmetnom nabavkom, a shodno zahtjevima i uslovima Ugovornog organa i članom 98. Zakona o javnim nabavkama.

Član 3.

Za izvršenje ove odluke zadužuje se Odsjek za finansijsko-materijalne poslove.

Član 4.

Ova odluka stupa na snagu danom donošenja.

Obrazloženje

Postupak javne nabavke usluga iz Aneksa II. Zakona o javnim nabavkama za nabavku usluga organiziranja događanja – pripreme i organizacije događaja Digitalnog samita Zapadnog Balkana 2023. pokrenut je Odlukom ministra komunikacija i prometa Bosne i Hercegovine broj: 04-16-3-1804/23 i proveden je prema proceduri Pravilnika o postupku dodjele ugovora o uslugama iz Aneksa II. Zakona o javnim nabavkama („Sl. glasnik BiH“ broj 2/23).

Procijenjena vrijednost javne nabavke bez PDV-a iznosila je do 299.145,25 KM.

Obavještenje o nabavci usluga iz Aneksa II broj: 1236-9-2-6-22-39/23 i javni poziv za dostavljanje ponuda broj: 04-16-3-1804-1/23 su poslani i objavljeni na Portalu javnih nabavki 19.07.2023. godine.

Na osnovu obavještenja na Portalu javnih nabavki, javni poziv je preuzelo sedam ponuđača (Izveštaj o preuzimanju tenderske dokumentacije od strane ponuđača u prilogu).

Komisija za predmetnu javnu nabavku (dalje u tekstu: Komisija) dostavila je rukovodiocu ugovornog organa Zapisnik o ocjeni ponuda sa preporukom o izboru najpovoljnijeg ponuđača broj: 04-16-3-1804-6/23 od 02.08.2023. godine.

U postupku ocjene ponuda utvrđeno je da je Komisija pravovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je konstatovano da:

- je ukupan broj pristiglih ponuda tri (3);
- su pravovremeno zaprimljene tri (3) ponude;
- nije bilo nepravovremeno zaprimljenih ponuda;
- **da je ponuda ponuđača FOTO ART d.o.o. Sarajevo prihvatljiva jer je dostavljena sva tražena dokumentacija u skladu sa Javnim pozivom;**
- **da su ponude ponuđača MITA GROUP d.o.o. Sarajevo i VIA MEDIA d.o.o. Sarajevo nepravilne iz slijedećih razloga:**
 - **ponuđač MITA GROUP d.o.o. Sarajevo u svojoj ponudi nije priložio Izvod nadležnog suda prema sjedištu ponuđača da u kaznenom postupku nije osuđen pravosnažnom presudom za kaznena djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran. Također, ponuđač u svojoj ponudi nije ovjerio i potpisao listu zaposlenih/angažovanih osoba prema zahtijevanom uslovu (minimalno 10 zaposlenih/angažovanih osoba) koji će činiti ključno osoblje angažovano na ovom ugovoru, a što je bio u obavezi u skladu sa Javnim pozivom;**
 - **ponuđač VIA MEDIA d.o.o. Sarajevo u svojoj ponudi nije priložio Izvod iz kaznene evidencije Suda BiH da u kaznenom postupku nije osuđen pravosnažnom presudom za kaznena djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran, a što je bio u obavezi u skladu sa Javnim pozivom.**

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije i utvrdio je da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći naprijed navedeno, a u postupku donošenja Odluke o izboru posebno su cijenjene činjenice da se postupilo u skladu sa Zakonom o javnim nabavkama i podzakonskim aktima, iz navedenih razloga primjenom člana 70. stav 1. 3. i 6. Zakona o javnim nabavkama odlučeno je kao u dispozitivu ove Odluke.

POUKA O PRAVNOM LIJEKU:

Svaki zainteresirani i aktivno legitimisani ponuđač može izjaviti žalbu direktno ugovornom organu putem protokola ili putem pošte na način i u rokovima propisanim članom 101. stav (4) tačka a) Zakona o javnim nabavkama.

Prilog: kao u tekstu

Dostavljeno:

1. FOTO ART d.o.o. Sarajevo,
2. MITA GROUP d.o.o. Sarajevo,
3. VIA MEDIA d.o.o. Sarajevo,
4. Komisija za nabavke,
5. 04/3,
6. Internet stranica MKT BiH,
7. a/a





IZVJEŠTAJ O PREUZIMANJU DOKUMENTACIJE JAVNOG POZIVA OD STRANE PONUĐAČA

Naziv ugovornog organa: MINISTARSTVO KOMUNIKACIJA I TRANSPORTA/PROMETA BIH

IDB/JIB: 4200862970008

Broj usluge iz Aneksa II: 1236-9-2-6/23

Naziv usluge iz Aneksa II: Priprema i organizacija događaja Digitalnog samita Zapadnog Balkana 2023

Izveštaj kreirao: Aida Alibegovic

Datum kreiranja izvještaja: 2.8.2023. 16:29

R.br.	Naziv dokumentacije za javni poziv	Datum objave	
1	JV_1236-9-2-6_23.zip	19.7.2023.	
R.br.	Naziv ponuđača koji je dokumentacije za javni poziv	IDB/JIB:	Datum i vrijeme preuzimanja
1	BBS EUROPE	4403188520008	19.7.2023. 9:17:46
2	PROINTER ITSS DOO BANJA LUKA-ČLAN INFINITY INTERNATIONAL GROUP	4403865130009	19.7.2023. 9:41:04
3	EKAPIJA DOO	4950134590001	19.7.2023. 10:01:18
4	VIA MEDIA D.O.O. SARAJEVO	4200107540001	19.7.2023. 12:54:16
5	ZPR AGENCIJA	4301621960002	20.7.2023. 10:07:43
6	MITA GROUP	4200343510008	20.7.2023. 11:53:43
7	FOTO ART D.O.O.	4200480850002	20.7.2023. 12:38:18